

[Augsburg], 24. August 1556

An Johannes Oporinus

UB Basel, Fr. Gr. I 11, fol. 196r.  
Steinmann Nr. 689.

S. P. D. Alteras literas tuas 7 Iulij datas toto mense post accepi antequam tibi meae a Letzkopfio redderentur. Scripsi autem te Zonara, cuius iam tibi tomum vnum Francofordiam misissem, si quid animi haberet, scirem. Sed cum his diebus per Augustanum tabellarium nihil rescripseris, qui te a se appellatum esse ait, facile intelligo te tantum a Zonara abhorrere, quantum hactenus eum expetiuisti. In quo tuo iudicio vtaris licet. Mea enim parum refert siue imprimatur siue opprimatur. qui non gloriam sed ἐφόδιον ingauescenti aetati et aduersae valetudini quaero. De Theodori nostri commodis spei aliquid tibi feci, qua tamen niti non possum, quod Rara fides hominum quia multi multa loquuntur. expectabatur tum resignatio, vt vocant, stipendij a quodam, sed is videtur mutasse consilium, eo diutius vsurus. Certi quod pollicear nihil habeo, praeter fidem et diligentiam. Nam quae ab alijs mihi promittuntur, ea pro somnijs habeo antequam res ipsa appareat, toties tam contumeliose a multis decipior aut derideor potius. Lazium tuum fasciculum accepisse puto item Illyricum literas. Xysti lucubrationum quaeso sis memor. Raphaeli Seilero exposui quae mandasti, qui te salutat. Vale. 24 Augusti 1556.

Hiero[nymus] Wolfius.

Literas inclusas maturius ad te mittere non potui.